




Page: 15

Reach: 50000

Country: BOSNIA AND HERZEGOVINA

Size: 149 cm2

1 / 1



U Mercedesu otkrivene falsificirane novčanice

Tužilaštvo Bosne i Hercegovine Predložen pritvor za dvojicu falsifikatora

Nevenko Božičić i Slavko Bibić uhapšeni
sa skoro 20.000 lažnih dolara

Tužilaštvo Bosne i Hercegovine uputilo je Sudu BiH prijedlog za određivanje mjere pritvora za Nevenka Božičića (54) iz Orašja, općina Prnjavor, i za Slavka Bibića (49) iz mjesta Zlopoljac, općina Bihać, zbog krivotvorenja novca. Obojica su nastanjena u Novom Sadu, sa prijavljenim prebivalištem u Prijedoru i državljani su BiH i Republike Srbije..

Osumnjičene su 18. avgusta ove godine uhapsili ovlašteni pripadnici Državne agencije za istrage i zaštitu (SIPA) u saradnji sa pripadnicima Granične policije BiH, nakon čega su ih u zakonskom roku predali Tužilaštvu BiH.

Oni se sumnjice da su to-

kom ove godine, nakon što su prethodno načinili ili od njima poznatih osoba pribavili veću količinu krivotvorenih novčanica u apoeni od 100 američkih dolara, u više navrata krijumčarili na teritoriju BiH iz Republike Srbije te razmjenjivali krivotvorene novčanice na poštanskim šalterima i mjenjačnicama u više gradova na području BiH te ih stavljali u promet.

Granična policija je 18. avgusta ove godine zaustavila osumnjičene u Mercedesu na Međunarodnom graničnom prijelazu Rača prilikom ulaska u BiH. Tom prilikom je pronađen i oduzet krivotvoreni novac u iznosu od 19.900 američkih dolara.